

„Allingawier” to Goattum by Grou biwenne troch Sj. Boersma



(Foto De Boerderij).

In oare pleats to Goattum dy't ik op myn listke stean hie wie Allingawier, hwer't de hear Sj. Boersma buorket. Ek „Allingawier” hie yn myn bernejierren in plakje hawn. Yn dy tiid wenne Doede Boersma dêr, en doe kamen wy wol ris in middei by de soan to boartsjen. Hjir wie it nou ek gâns foroare, lyk as mei eltse pleats om Grou hinne. Ik bin der al aan wend en dochs binne der wer inkelde dingen dy't men op nij wer mist.

Sa is itjingre hwat der by huzinge en hiem foroare is hast fanselssprekkend foar my. Hwat ik hjir it meast miste dat is de mole en dêr neist de fiskersaek dy't der by lei en de biwenners der fan dy't in tichtset yn it „Deel” hiene.

De nammen fan dy minskens bin ik kwyt, ik wit allinne dat wy wol ris in kear meihelpe mochten om, as der in skou of skip foarby moast it net sakje to litten en letter ek wer op to lûken, dat barde mei in takel en in wine. Ien kear mochten wy mei om by de fûken lâns, dy't oan beide wâlskanten stiene, om de iel der út to heljen yn it fiskersboat. Ik wit noch hwat in yndruk dat op my makke, soms sa mar in stik of tsien ielen út ien fûke. Ik fiske wol ris stikem mei in smyline en as ik dan moarns ien fongen hie wie ik bliid.

Sa bin ik in kear thûskommen en sei doe tsjin heit en mem: ik wol fis-

kerman wurde, ik wol letter in tichtset hawwe, dan fang Jo sa'n protte. Soks kaem my wer efkes yn't sin doe't ik op it efter-hiem stie fan Allingawier. Der is lykwols neat fan kommen, ik bin gjin fiskerman wurden.

Nou stie ik hjir mei in opskriuwboekje yn'e bûse en in fototastel by my om hjir mei de boer en boerinne te praten oer har pleats. Ik trof se beide thûs, it wie reinich dat ek dizze drok bisette jonge boer hie wol efkes tiid foar my. Se wisten wol hwer't ik foar kaem en hiene my al ris forwachte.

It wie iterstiid, ik mocht meihelpe de boel to meitsjen en dêrnei hawwe wy it praet brocht op Allingawier en syn eardere biwenners. Ek hjir libbe de sterke ûnderstelling

dat dit sté it eigentlike Goattum wie. (sjoch eardere artikels). It is Allingawier to of op Goattum by Grou.

De stjelphuzinge is boud yn 1899. „Alles meielkoar hawwe wy in moai bidriuw”, sa sei de hear Boersma. „Wy brûke in 80 pounsmiet lân. Hûs, hiem en 56 pounsmiet hiere wy fan de hear J. de Jong Rzn to Ljouwert, sels hawwe wy 12 pounsmiet dat der tsjinoan leit en dan hiere wy der noch 12 pounsmiet lân by. Mar alles leit by elkoar, sadat wy in pleats hawwe mei 80 pounsmiet lân oan ien kavel.

Wy melke hjir rom 30 kij en hâlde boppedat it jongf  en simmerdei 10 skiep mei lammen". „Dat binne hiel hwat bekken", andere ik, „en dat op 80 pounsmiet!"

„Ja", sa gong de hear Boersma fierder, „wy passe net allinne goed op it libbene f , mar soargje ek goed foar it l n, dat is ek hwat libbens en tige tankber, as der goed om tocht wurdt jowt it ek rynsk wer om en sadwaende kin der safolle f  h lden wurde".

Ik fielde wol dat ek hjir in sterke b n wie fan boer en boerinne mei it bidriuw, foaral doe t ik it praet brocht op de fokkerij. D r libben se beide yn mei, en net s nder sukses. Se wiene by de bollekombinaesje der t ik de foarige kear fan fortelde mar d roer nijewike.

d. H.

Yn de floreen- en stimkohieren komt Allingawier foar by n . 21, dragende 1 stim.

Eigener en br kers hawwe west:

1640 Abrham v. Roorda mei syn broers bern eigeners.

1698 Alardus Buitenpost tot Harlingen eigener, Sake Oebeles br ker.

1708—1738 Keimpe Luitsmaterp eigener, Sake Oebeles en letter syn widd. br ker.

1748—1778 De Vroedman E. Wassenberg eigener, Jurjen Sipkes br ker.

1788 Juffer C. Luitsmaterp, widd. Oldenburger en E. Wassenberg eigeners. Tjeerd Pyters br ker.

1798 As yn 1788.

1818 D. Andrea eigener. Tjeerd Pieters Deelstra br ker.

1828 Selde eigener; Wisse Tjeerds Deelstra br ker.

1838 Catharina en Ida Andrea eigenerskes; Jan Gales v. d. Veen br ker.

1848 Selde eigenerskes en br ker.

1858 Sybren Wigges Kuiper eigener en br ker. Allingawier wie in pleats mei 61 pounsmiet floreenplichtich l n.

Oant safier de floreen- en stimkohieren. Hwa t krekt eigener wurden is is my net bikend. Ik tink dat Sybren W. Kuipers der oant 1863 ta wenne hat. Maeiie 1863 binne Auke Hettes de Vries en Janke Aukes van der Hoek der kommen to wenjen. Janke is jong forstoarn (1875) en Auke Hettes de Vries hat der letter noch oant 1886 ta buorke mei syn twadde vrou Doetje Kort. Opfolger is wurden de soan Hette Aukes de Vries, trouw mei Antje Johannes de Boer. Ek Antje is jong forstoarn. Hette Aukes de Vries hat der oant 1898 ta buorke, de l ste jierren mei syn twadde vrou Antje Jochums Postma. Doede Jacobs Boersma, trouw mei Trijntje de Groot, is doe opfolger wurden. Dizze hawwe der oant 1931 ta buorke.

Fan 1931—1949 Jouke Sjoerds Boersma en Geertje Zonneveld en fan 1949—1964 Sjoerd Joukes Boersma en Hielkje Schoustra. It aerdige foar de l ste biwenners is dat, alhoewol it gjin rjochte line is, der dochs 100 jier famylje fan har op dizze pleats wenne hat. Yn 1863 kaem Janke Aukes v. d. Hoek der as boerinne, dit wie in suster fan de tsjintwurdige boerinne har oer-beppe. Sadwaende is de famylje De Vries dyt der oant 1898 ta buorke hawwe famylje fan Hielkje Schoustra. En de Boersma's fan nei 1898 binne famylje fan de tsjintwurdige boer. Doede Jacobs Boersma wie in neef fan de hear Boersma syn heit. Sa leit der foar de biwenners fan nou dochs in b n dyt har forbynt mei Allingawier.

Eigener is J. de Jong ut Ljouwert en d rfoar wie it Tjritte Hommes Dijkstra.

Doe t wy hwat sieten to praten oer it bidriuw fieldie ik dy bining goed oan. Der waerd praet oer l n en pleats, mar ek oer it bislach f . Ek Sjoerd Boersma is fokker, hy is dielhawwer yn de earder neamde bollekombinaesje en sa fortelde hy, ek us bislach is just d rtroch foarut gien.

„Ik ha it bidriuw fan myn heit oernommen en ha der mei fierder fokt. Troch ynceap fan inkelde goede kij, mar foaral troch it br ken fan passende bollen binne ek wy sa fier kommen dat wy op in  fdielingskeuring al ris in eerste priis kriegen hawwe mei in kolleksje en op de produksjekeuringen yn Snits is it slagge twa kear in twadde priis machtich to wurden".

Sa fieldie ik hjir ek wer it moaije dat der is yn it boer w zen, as men der jins hert en kinnen oan jowt, dan wurdt der boud, dan groeit der hwat hwer eat fan jinsels yn sit.

d. H.